

顧掀髯一笑詩情酒思正豪逸虎蹄過新跡
窸窣霧如織見異草珍禽問名不識山靈勒駕雨來急欲游觀未已僕言日夕
看來看去似那裏似少室

又題筆架山

三峰碧縹緲煙光樹色高寒處上有猿啼鶴唳天風夜蕭瑟山
形似筆格人道江南第一遊紫觀月殿星壇積翠樓前吹鐵笛
客來訪靈蹟聞王郭當年曾此駐歇二仙爲謁浮邱伯從驂
鸞去後雲深難覓丹爐灰冷杵聲寂依然舊泉石 泉石最幽
聞更禽靜花閑竹茂松密清都絳闕無消息共羽衣揮塵感今
懷昔堪嗟人世似夢裏駒過隙

道藏輯要

白真人集

三

壘

雙集三

x. 4

沁園春寄鶴林

三徑就荒松菊猶存歸去來兮嘆折腰爲米棄家因酒往之不
諫來者堪追形役奚悲途迷未遠今是還知悟昨非舟輕颺問
征夫前路晨已晞微 歡迎童穉嘻嘻羨出岫雲閑烏倦飛有
南窗寄傲東臯舒嘯西疇春事植杖耘耔矯首遐觀壺觴自酌
尋壑臨流聊賦詩琴書外且樂天知命復用何疑

又贈胡葆元

歲去年來思量人生空自沉埋既這回冬至一陽來復便須修
煉更莫疑猜好箇鼎爐見成鉛汞片餉工夫結聖胎人身裏二
千世界十二樓臺 周年造化安排只在這些真妙哉要先擒

日月後攢星斗黃庭中畔化作瑤瑰誰會天機分明說破恰似
江頭雪裏梅丹成後做些功行歸去蓬萊

又題桃源萬壽宮

黃鶴樓前吹笛之時先生朗吟想劍光飛過朝遊南嶽墨籃放
下夜醉東隣鐺煮山川栗藏世界有明月清風知此音呵呵笑
笑釀成白酒散盡黃金 知音自有相尋休踏破葫蘆析斷琴
唱白蘋紅蓼廬山日暮西風黃葉渭水秋深二入岳陽再遊滌
浦白一去優游直至今桃源路儘不妨來往時共登臨

十二時鶴林靖作

素馨花在枝無幾秋入欄杆十二那茉莉如今已矣只有蘭蕙

道藏輯要

白真人集

三

三

叟集三

菊蕊霜蟹年時香橙天氣總是悲秋意問宋玉當日如何對此
淒涼風月怎生存濟 還未知幽人心事望得眼穿心碎青鳥
不來彩鸞何處雲鎖三山翠是碧霄有路要歸歸又無計奈何
他水長天遠身又何曾生翼手撚芙蓉耳聽鴻雁怕有丹書至
縱人間富貴一歲復一歲此心終日繞香盤在篆畦兒裏

瑞鶴仙

殘蟾明遠照政一番霜訊四山秋老孤村帶清曉有鳴鞭歸騎
亂林啼鳥青帘縹緲懶行時持杯自笑甚年來破帽雕裘慣得
淡烟荒草 多少客愁羈思雨泊風餐水邊雲杪西窗政好疎
竹外粉墻小念歸期相近夢魂無奈不爲羅輕寒悄怕無人料